

9(53)  
Թ-88

Հ. ԹՐՅԱՆ

ԷՋԵՐ ԱՐԱԲԱԿԱՆ ԱԶԳԱՅԻՆ-ԱԶԱՏԱԳՐԱԿԱՆ  
ՇԱՐԺՈՒՄՆԵՐԻ ՊԱՏՄՈՒԹՅՈՒՆԻՑ

Առանձնառիպ Հայկական ՍՍՌ  
Գիտությունների ակադեմիայի «Տեղեկագրից»,  
№ 9, 1955 թ.

911(53)  
P 88

Հ. ԹՐՅԱՆԵ

### ԷՋԵՐ ԱՐԱԲԱԿԱՆ ԱԶԳԱՅԻՆ ԱԶԱՏԱԳՐԱԿԱՆ ՇԱՐԺՈՒՄՆԵՐԻ ՊԱՏՄՈՒԹՅՈՒՆՆԻՑ<sup>1</sup>

Դարեր շարունակ թյուրքական լրանալեռության տակ են գտնվել մի շարք ժողովուրդներ: Նրանք տեղական պայքար են մղել իրենց ազգային ազատությունը ձեռք բերելու համար: Այդ ժողովուրդների ազատագրական պայքարը յուրաքանչյուր դեպքում ունենալով հանդերձ իր տեղական առանձնահատկությունները, կազմում է Մերձասյուր Արևելքի ազատագրական շարժումների բաղկացուցիչ մասը և հենց դրանով էլ արժանի է լուրջ ուսումնասիրման:

Եթե մեր պատմագրություն մեջ հայ ազգային ազատագրական շարժման մասին խոսելիս համառոտ կերպով նշվել է բուլղար, հույն և սերբ ժողովուրդները պայքարը ընդդեմ օսմանյան բռնապետության, ապա գրեթե ոչինչ չի գրվել արաբական երկրների ազատագրական շարժումների մասին, մինչդեռ պատմական փաստերը վկայում են, որ արաբական երկրներում, հատկապես XIX դարի երկրորդ կեսում տեղական պայքար է մղվել թյուրքական տիրակալության դեմ:


Ներկա հոդվածի նպատակն է ընդհանուր գծերով ներկայացնել այդ պայքարը:

Արաբական երկրներում ազգային ազատագրական շարժումները նկատելի կերպով աշխուժանում են XIX դարի առաջին կեսերից՝ հասարակական, գրական և կուլտուրական միությունների երևան գալով, գլխավորապես Սիրիայում: Առաջին այդպիսի միությունը, որի մասին հիշատակություններ հասել են մեզ, հիմնվել է 1847 թվականին՝ Բեյրութում (այժմյան Լիբանանի մայրաքաղաքը): Այս միության հիմնադիրներից՝ Նասիֆ Եազըջին (ծնված Լիբանանում, գյուղացու ընտանիքից) և Բուարոս Բուստանին՝ հետագայում գարձան XIX դարի արաբական գրականության կառկառուն դեմքերը: Միությունը կարճատև կյանք ունեցավ, գործեց ընդամենը հինգ տարի: Նրա ամենամեծ ծառայությունը եղավ այն, որ արաբ իրականության մեջ փորձեց ստեղծել կրոնքից և հարանվանություններից անկախ, համաարաբական, համազգային մի շարժում, որն ուղղված էր սուլթանական բռնապետության կողմից հրահրվող միջ-կրոնական, դավանաբանական երկպառակությունների դեմ:

Այն, ինչ որ չհաջողվեց իրագործել հիշված միությունը, մեծ չափով իրագործեց 1857 թվականին հիմնված «Ալ Ջամայիյահ Ալ Իլմիյահ Ալ Սուրիահ» (Սիրիական գիտական ընկերությունը): Այդ ընկերությունը անդամակցեցին արաբական երկրների տարբեր խավերի ու հարանվանությունների պատկանող շատ հայրենասեր արաբներ:

Արաբ ժողովրդի ազատագրության հարցը համարելով իրենց առաջնահերթ խնդիրը, միությունը անդամակցություններ ձուլեց խառանք կառարեցին

<sup>1</sup> Մի հատված համանուն հոդվածից:



արարական ժողովուրդները լավագույն արագիցիաների վերհանման, նրա գարավոր կուլտուրայի վերածնման ուղղությունը:

Այս ընկերության գաղտնի ժողովներից մեկում առաջին անգամ արարելիականության մեջ կոչ արվեց ժողովրդական մասսաներին՝ պայքար ծավալել օսմանյան լծի դեմ: Միութեան անդամներից՝ Էրրասիմ Յազըջին (Նասիֆ Յազըջիի որդիներից մեկը) գաղտնի ժողովում կարգաց «Տաղ հայ-բենասիրության» իր ողեշնչող բանաստեղծությունը: Այդ բանաստեղծություն մեջ երգում էր արար ժողովրդի անցյալի փառքերը, դիտություն, գրականություն, արվեստի բնագավառում նրա ունեցած նվաճումները, և պարտավում էր արարների աշխատանքի պատկառությունը, հետաքննությունը, որը արտահայտվում էր հատկապես գավառաբանական անխմաստ պայքարում: Բանաստեղծությունը կոչ էր անում բոլոր արարներին՝ միանալ մի ազգային գրոշի տակ, ապստամբվել օսմանյան տիրապետությունից, թոթափել թյուրքական լուծը:

Հայտնի է, թե 1857—1860 թթ. լիբանանյան գյուղացիության ապստամբության ժամանակ վերոհիշյալ նորաստեղծ միությունը ինչ գեր խաղաց, սակայն փաստեր կան, որոնց համաձայն, երբ օսմանյան իշխանություններին հաջողվում է գյուղացիական կռիվները վերածել կրոնական գավառաբանական պայքարի, այսինքն՝ գրողների և քրիստոնյա մարտիների կողմից, միությունը պայքար է ծավալում այս հակամարտությունը խրախուսող տարրերի դեմ:

Բուրժուական մի շարք պատմաբաններ 1860 թ. ջարդերը համարում են կրոնական հոգի վրա ծավալված<sup>1</sup> կռիվներ, մինչդեռ իրականում գրանք ունեցել են սոցիալ-անտեսական խոր արմատներ: Այդ կռիվներն սկսվեցին Լիբանանի գյուղացիները կողմից ֆեոդալ կալվածատիրության դեմ: Տվյալ դեպքում Լիբանանի ապստամբված շրջաններում գյուղացիությունը հիմնականում քրիստոնյա մարտիներ էին, իսկ կալվածատերերը՝ մեծ մասամբ գրուղ մուսուլմաններ, այս հանգամանքը նենգորեն օգտագործվեց թե օսմանյան իշխանությունների և թե արևմտյան գաղութարարների կողմից, որպեսզի սոցիալ-անտեսական հոգի վրա սկսված պայքարը ներկայացնեն որպես կրոնական կռիվներ:

1860 թվականի գեղքերը, անկասկած, անգրագրաբան օսմանյան կայսրության հետագա քաղաքական կյանքի վրա, այն իմաստով, որ արևմտյան տերությունները, հատկապես Ֆրանսիան, ավելի ուժեղ կերպով սկսեցին միջամտել թյուրքիայի ներքին գործերին, Լիբանանին շնորհից մի տեսակ տեղական «ավտոնոմիա»:

Այժմ տեսնենք թե այդ ջարդերը ինչ անգրագրաբան ունեցան ազատագրական պայքարի հետագա ընթացքի վրա:

1860 թվականից հետո արարական միությունները ավելի մեծ վճռականությամբ պայքար ծավալեցին կրոնական և գավառական երկրպագությունների դեմ:

Հետապնդելով նույն նպատակը, Բուտրոս Բուստանին, այդ դեպքերին անմիջապես հաջորդող տարիներին հիմնում է արարական առաջին քաղա-

<sup>1</sup> Ֆ. Էնդելսի մոտ հայտնի գրույթ է, որ ֆեոդալիզմի դեմ ուղղված գրեթե բոլոր շարժումները արտաքինից ընդունում էին կրոնական զգեստավորում, գաճախով ազանգավորական շարժումներ:

քական թերթը «Նաֆիր Սուրիյաս»-ն (Միլիայի սրտիողը), բաց է անում դպրոց՝ «Ալ Մադրասա ալ Վատաննիյաս» (ազգային դպրոց), որտեղ և համազգային ոգով է դաստիարակում բոլոր հարանվանությունների պատկանող արար երեխաներին: Հետևելով Յազըջիի և Բուստանիի օրինակին, Միութեան ուրիշ անդամներ և այլ հայրենասերներ, թերթեր են հրատարակում և ազիտացիոն պայքար ծավալում նույն գաղափարների մասսայականացման համար, կոչ անելով լայն մասսաներին՝ համախմբվել մի ազգային գրոշի շուրջը ու ապստամբվել օսմանյան լծի դեմ:

Այս ձեռնարկումներին հաջորդող շորս տասնամյակներում (1868—1908) իրար հետևից կազմակերպվում են գաղտնի ընկերություններ, որոնք ընդհատակյա աշխատանք են ծավալում, առանց դաճնալու քաղաքական ինքնուրույն պարտիաներ: Այդպիսի գաղտնի ընկերություններից առաջինը հիմնվում է Բեյրութում, 1875 թ. հինգ երիտասարդների կողմից, որոնց հաջողվում է կարճ ժամանակամիջոցում իրենց շարքերը ներգրավել տարբեր գավառանքի պատկանող մարտունակ և հայրենասեր մի շարք արար երիտասարդների:

Ընկերությունը իր ճյուղերը ուներ Դամասկոսում, Տրիպոլիում և Սալոնիկում: Ընկերության գործունեությունը գաղտնի լինելու հետևանքով երկար ժամանակ նրա անդամների թիվը մնաց փոքր. ընդունվում էին միայն վստահելի և փորձված այնպիսի անձեր, որոնք ընդունակ էին միութեան գաղտնիքները պահել և քաղաքական աշխատանք տանել:

Ընկերությունը կատարեց քաղաքական լուրջ աշխատանք: Նրա անդամները գիշերները պլակատներ էին ամրացնում քաղաքի ամենաբանուկ վայրերում՝ կոչ անելով ժողովրդին դիմադրել օսմանյան իշխանություններին՝ բռնկոտի, սարսափի և պայքարի այլ ձևերով խանգարել թյուրքական կառավարության ձեռնարկած միջոցառումները: Պլակատները մեկ-մեկ ամրաստանագրեր էին՝ ուղղված օսմանյան կառավարության դեմ: Դրանցում մերկացվում էին կառավարության կամայականությունները, կոչ արվում ապստամբության:

Նման պլակատների երևան գալը, կենտրոնական իշխանություններին մատնում է շփոթություն: Սուլթանի անձնական կարգադրությամբ Կոստանդնուպոլսից արարական երկիրներն են ուղարկվում հատուկ քննիչներ, որոնք ձեռնարկում են հետաքննությունները, արար հայրենասերներին ենթարկում սեպրեսիաների, նրանցից մի քանիսն առաջավորներին բանտարկում:

Հակառակ այս բոլորին՝ ընկերությունը շարունակում է իր գործունեությունը և միայն Արգոլ Համիլի բռնակալության ամենախիստ օրերին, երբ այլևս հնարավոր չէր գործել, ցրվում է, անդամներից շատերը հեռանում են երկրից՝ ոմանք գեպի Եգիպտոս, ուրիշները՝ Ֆրանսիա:

Ընկերության գործունեության մասին շատ քիչ փաստաթղթեր են մնացել: Նրա հիմնադիրներից գոկտ. Ֆարիս Նիմրը<sup>1</sup>, որը 1883 թ. հեռացել էր Բեյրութից Եգիպտոս, օմն ժուրժ Անտոնիուսի<sup>2</sup> խնդրանքով հայտնել է

<sup>1</sup> «Ալ Մուկատտաֆ» զիտական պարբերաթերթի և «Ալ Մուկատտաֆ» հայտնի օրաթերթի հիմնադիրներից մեկը:  
<sup>2</sup> G. Antonius, The Arab Awakening, New York, 1939.

ընկերութեան անդամներէն 22-ի անունները և տվել մի շարք տեղեկութեաններ՝ այդ կազմակերպութեան գործունեութեան և պլակատներն բովանդակութեան մասին, տեղեկութեաններ, որոնք օգտագործված են ժ. Անտոնիուսի գրքում, մի քանի այլ փաստաթղթերի հետ միասին:

Ժ. Անտոնիուսի ընթացիկ փաստերից երևում է, որ 1880 թ. հուլիսի թվագրութեամբ տարածված պլակատում դատապարտվում է արաբների ցուցաբերած անտարբերութեանը թուրքական բռնապետութեան նկատմամբ և կոչ է արվում վերացնել ներքին դավանական տարաձայնութեանները, համախմբվել ու միասնական ճակատ կազմել ընդդեմ օտարերկրյա հարստահարիչներին: Այդ պլակատի վրա նկարված է եղել մի մերկ թուրք, որի ներքև գրված՝ հետևյալ նշանակալից խոսքերը՝ «Մտով միայն հնարավոր է մեր նպատակներին հասնել, եթե հաջողութեամբ ենք ցանկանում, դա է միայն մեր միջոցը»:

Երկրորդ պլակատում օսմանյան իշխանութեանները մեղադրվում են իրենց խոստացած սեֆորմները չիրագործելու համար: Պահանջվում է ներքին անկասկածություն, անզրպական ավտոնոմիա:

Երրորդ պլակատում (1880 թ. գեկտեմբեր) շարագրվում է պայքարի դուրս եկած արաբների քաղաքական ծրագրերը, որի հիմնական կետերն են՝

1. Միբիայի և Լիբանանի անկախութեանը.
2. Արաբներին ճանաչումը որպես պետական պաշտոնական լեզու.
3. Սոսքի և մամուլի ազատություն.
4. Գյւրոցները և կուլտուրայի տարածման ազատություն.
5. Արաբ դորակոչիկների զինձառայութեան կատարումը տեղում:

Այս երեք պլակատներն ընդհանրապես լուրջ կերպով են անդրադարձնում իրենց փոփոխությունները: Սկզբում կոչերը ընդհանուր բնույթ են կրել, եղել են օսմանյան իշխանութեաններին հանդեպ դժգոհություն արտահայտող գեկլարացիաներ, սակայն, հետագայում գնալով դարձել են ավելի կոնկրետ, արտահայտել են արաբական ժողովրդի ազգային ձգտումները, ընդհուպ մինչև քաղաքական ազատությունը:

Արաբական ազգային-ազատագրական շարժումների պատմության մեջ այս գաղտնի կազմակերպությունը առաջինն էր, որ առաջ քաշեց պայքարի քաղաքական ծրագիր:

Արաբական ազգային ազատագրական շարժումների մասին որոշ փաստեր հազորում են օտարերկրյա ժամանակակիցներն իրենց հուշերում: Գարրիել Շարմն իր գրքում, նկարագրելով իր ճանապարհորդական տպավորությունները, ի միջի այլոց, հետևյալն է ասում... «Բեյրութում գտնված ժամանակա հանդիպել եմ մուսուլման երիտասարդներին, որոնք մեծ եռանդով կազմակերպում էին միութեաններ, գյւրոցներ, հիվանդանոցներ և այլն: Ուշագրավ է այն, որ այս բոլորը ամենևին չէին կրում կրոնական բնույթ: Միութեաններին մասնակցում էին նաև քրիստոնյա արաբներ»<sup>1</sup>:

Մի ուրիշ ֆրանսիացի ճանապարհորդ, որը շրջել է համարյա արաբական բոլոր երկրները, սկսած հյուսիսային Աֆրիկայից մինչև պարսկական ծոցի շեյխությունները՝ խոսում է արաբական երկրներում տիրող ան-

հանդատության մասին. բոլոր տեղերում էլ, ասում է հեղինակը, հանդիպեցի նույն համատարած զգացմունքներին՝ ատելություն թուրքերի նկատմամբ: Բոլորին ատելի այդ լուծը թոթափելու համար միասնական պայքարի անհրաժեշտության գաղափարը կարծես ծախյալ է ընդունում մտքերի մեջ...<sup>2</sup>:

Արաբական թերակողում «... կազմակերպված քաղաքական պայքարի արամադրություններ են նկատվում...», հայտնում է իր հազորումներից մեկում՝ Ջեզգայում բրիտանական դիվանագիտական ներկայացուցիչը: Նա ասում է՝ «... Ինձ հայտնի է, որ ազատության գաղափարը հուզում է մինչև անգամ Մեկիլայում ապրող մարդկանց: Փաստեր կան, որ ինձ կոտակ են տալիս մի ծրագրի գոյությունը, որի համաձայն որոշ շրջաններում ձգտում են միացնել Նաժդը և Միջագետքը Մանսուր փաշայի իշխանության տակ, իսկ Ասիրն ու Եմենը Ալի Իրն Այեզի՝ Թուրքիայից անջատած»:

Այս և բազմաթիվ այլ վկայություններից հետևում է, որ դժգոհությունը և ատելությունը օսմանյան իշխանութեաններին դեմ եղել է համատարած: Թուրքական լուծը նույնքան ատելի էր Գամասկոսի, Բեյրութի և Կահիրեի արաբին, որքան գյուղի ֆելլանին, կամ անապատի բեդվինին: Այս բոլոր տեղերում էլ դժգոհության պատճառն նույնն էր, թեպետև այդ դժգոհությունն արտահայտվում էր տարբեր տեղերում տարբեր ձևերով, մի տեղում գաղտնի միութեանների միջոցով, մի ուրիշ տեղ՝ լուր գիմադրություններ, այլուր՝ ավելի բացահայտ, ընդհուպ մինչև անգամ ժողովրդական հուզումներով: Այս բոլորով հանդերձ, տակավին չկար կազմակերպված դիմադրություն: Տարբեր վայրերում գործող կազմակերպությունների կողմը չափազանց թույլ էին, ուստի 80-ական թվականներին ծախյալված վերահիշյալ պայքարը օսմանյան լուծի դեմ դեռևս չսխալի համարել կազմակերպված համաարաբական շարժումներ:

\* \* \*

Համիդյան բռնակալությունը բացասական անդրադարձում ունեցավ արաբական ազգային ազատագրական շարժման հետագա ընթացքի վրա: Համիդյան ոստիկանական դաժան սեժիմը, նրա ստեղծած վախի ու սարսափի մթնոլորտը գեթ ժամանակավորապես թուլացրին գաղտնի միութեանների գործունեությունը: Միութեան անդամներից նրանք, որոնց հաջողվել էր խուսափել համիդյան դատաստանից՝ հետացան երկրից: Հենց այս պատճառով էլ՝ Արգուլ Համիդի իշխանության 32 տարիների ընթացքում, արաբական ազգային ազատագրական շարժման կապակցությամբ հիշվում է ընդամենը երկու անուն՝ Արգուլ Ռահման ալ Կաուակիրին և Նաժիր Ազուրին:

Ալ Կաուակիրին ծնվել է 1849 թ. Հալեպ քաղաքում: Նա եղել է XIX դարի արաբական ազգային շարժման ամենախոշոր պրոպագանդիստը: «Ալ-Մուսայագ և Ալ-Մանար» թերթերում նա հրատարակել է ազատասիրական մի շարք հոդվածներ, որոնք հետագայում ամփոփվեցին երկու գրքերում

<sup>1</sup> Gabriel Charmes, Voyages en Syrie, Paris, p.p. 171—172.

<sup>2</sup> Denis de Rivoyre, Les Vrais Arabes et leur Pays, Paris, p. p. 494—495.  
<sup>3</sup> Public Record Office, F. O. 78/3415.

և առանց հեղինակի անունը կրելու, գաղտնի կերպով տարածվեցին արաբական երկրներում: Այդ գրքերից մեկը կոչվում է «Մում ալ-Կուրա» (Կուրանում Մեկկա քաղաքը անվանվում է նաև Կուրա), մյուսը «Քարայ ալ Իսաիրգա» (բնության ստորագրված): Այս վերջին գրքում, որը հանգիստանում է լուրջ մի աշխատություն, հեղինակն իր ցատու մե ու առելությունն է հայտնում համիդյան բռնությունների դեմ: Ալ-Կաուակիրին առաջարկում է կազմակերպված պայքար ծավալել կրոնավորների խավարումությունից և ժողովրդի ազիտությունից դեմ, վերականգնել արաբների անցյալի իրավունքները, իսլամական աշխարհում: Ալ-Կաուակիրի կողմից մղված պայքարը նկատելի չափով հակադրեց Ջամալուգին Ալ-Աֆղանի կողմից գլխավորված պան-իսլամական շարժմանը, որը հովանավորվում էր Աբդուլ Համիդի կողմից և նպատակ ուներ թյուրքական ազդեցությունը կենթարկել ամբողջ իսլամական աշխարհը: Մակայն, պայքարելով պանիսլամի դեմ, Ալ-Կաուակիրին հանդես չի եկել առհասարակ իսլամական կրոնի դեմ, ավելի ճիշտ նա ձգտել է իսլամի ազդեցություն հարցում վերականգնանայնել արաբական նախկին գերիշխանությունը:

Ալ-Կաուակիրին, պայքար ծավալելով բռնությունների դեմ, հանդես էր գալիս որպես հումանիստ: Նա, փորձելով վերականգնանայնել արաբների մոտ ազգային ոգին, զարկ տալ նրանց կուլտուրային, վերականգնանայնել անցյալի լավագույն արժեքները, հանդես է գալիս որպես արաբական ազգային շարժման նախապատրաստողներից, ռանվիրաներից մեկը, սակայն Ալ-Կաուակիրի պայքարը միշտ էլ շարունակեց պահել իր իսլամական բովանդակությունը, իր կրոնական բնույթը:

Այս ժամանակաշրջանի երկրորդ գեմքը նաժիր Աղուրին 1904 թ. Փարիզում հիմնում է Ligue de la Patrie Arabe ընկերությունը (Արաբական հայրենիքի լիգան), որը օսմանյան լծի դեմ ապստամբվելու կոչեր էր հրատարակում: Այս լիգայի առաջնահերթ նպատակն էր ձեռք բերել Սիրիայի և Իրաքի անկախությունը:

Նաժիր Աղուրին 1905 թ. Փարիզում հրատարակում է «Արաբ ազգի զարթոնքը» (Le Réveil de la Nation Arabe) ֆրանսերեն լեզվով, իսկ 1907 թ. դարձյալ ֆրանսերեն լեզվով հրատարակում է «Արաբական անկախությունը» (L'Indépendance Arabe) անունով ամսաթերթը, որը մի տարվա կյանք է ունենում:

Առհասարակ Աղուրիի նախաձեռնած շարժումը արաբական երկրներում լայն արձագանք չգտավ, ընկերությունը արաբական ազգային ազատագրական շարժման վրա շատ չնչին ազդեցություն միայն ունե-

<sup>1</sup> Ալ-Կաուակիրի այս աշխատության մասին քննադատական հոդված կա (տես Oriente Moderno, Nr. 7, Luglio 1954), որտեղ հոդվածագիրը Ettore Rossi փորձում է ազատեցնել թե աշխատության բովանդակությունը մեծավ մասամբ Victorio Alfieri (իտալական ազգային շարժման ռանվիրաներից մեկը) «Della Tirranide» (բռնության մասին) գրքի հավատարիմ կրկնությունն է: Այնուհետև հոդվածագիրը ազատեցում է, որ Ալ-Կաուակիրին մեծ չափերով օգտագործել է ժան ժաք Ռուսոյի մտքերը և Ֆուբերի զբաղմունքները: Անկախ այդ փաստից, Ալ-Կաուակիրին խոշոր դեր է կատարել հենց նրանով, որ նրան հաջողվել է այդ ժամանակվա լուսավորչների մտքերը մտցնել առաջավոր Ասիա: Սիրիայի կոմիտեի քարտուղար և արաբական ազգային ազատագրական շարժման ամենահայտնի գեմքերից Խալեդ Բեկաուը Ալ-Կաուակիրին համարում է XIX դարի արաբական ազգային ազատագրական շարժման ամենախոշոր գեմքերից մեկը:

ցավ: Եվ դա հասկանալի է: Աղուրին, գործելով արատասանմանում և հանդես գալով օտար լեզվով, չէր կարող մոտիկից կապվել արաբ ժողովրդի հետ, նրան հաղորդել իր առաջավոր գաղափարները, հուզել, պայքարի հանել նրան:

Այսպիսով, ինչպես տեսնում ենք, համիդյան բռնակալության ժամանակաշրջանում արաբական ազգային ազատագրական շարժումը նկատելի չափով թուլացավ: XIX դարի 70-ական և 80-ական թվականներից Եգիպտոսը, առաջին անգամ անջատվեց համարարական ազգային շարժումներից և որդեգրեց իր համար ազգային ազատագրական պայքարի ինքնուրույն ուղի: Եգիպտական ազգային ազատագրական շարժումը ուղղված էր ոչ այնքան Եգիպտոսում, օսմանյան իշխանությունից հեռացնել մարդ ազդեցությունից դեմ, որքան Խըրթոլ Իզմայիլի կողմից հովանավորվող՝ ծագումով օտարազգի՝ տեղական ղեկավարող կասապի, ինչպես նաև նորմալ անգլիական իմպերիալիզմի դեմ, որը երկրի օկուպացիան առաջին իսկ օրից (1882) ընտրել էր եգիպտական ազգային էմանսիպացիան խափանելու ուղին:

Այդ թվականներից սկսած, Եգիպտոսում, ազգային ազատագրական շարժումը առավելապես հանդես է գալիս տեղական՝ եգիպտական ազգայնական գունավորումով: Ճիշտ է Բեյրութի և Կահիրեի միջև կապը շարունակվեց պահպանվել, արաբական ազգային ազատագրական շարժման այլ երկու գլխավոր կենտրոնները շարունակեցին փոխադարձ ազդեցություն ունենալ միմյանց վրա, սակայն նրանց պայքարի նպատակներն այլևս նույնը չէին: Սիրիան ձգտում էր ազատվել օսմանյան լծից և համարարական անկախ պետություն ստեղծել, մինչդեռ Եգիպտոսի նպատակն էր ազատվել թե անգլիական իմպերիալիզմի ճնշումից և թե՛ տեղական իշխանությունների լծից, խղիվյան բռնակալությունից ու հաստատել անկախ պետություն: Հենց պրանով էլ ազգային ազատագրական շարժումը Եգիպտոսում ինքնուրույն ուղի որդեգրեց՝ երկրի անգլիական իշխանությունների կողմից օկուպացիայի կենթարկվելուց անմիջապես հետո: Առաջին բռնկումը, որը ղեկավարում էր Արաբի փաշան, տեղի ունեցավ 1882 թվականին:

Եգիպտական ազգային ազատագրական շարժումն առանձնապես լայն զարգացում է ստանում առաջին համաշխարհային պատերազմից հետո, երբ իրար հետեից կազմակերպվում են քաղաքական մի շարք պարտիաներ:

Արդուլ Համիդը մեծ ճարպիլությունը շահագործեց արաբների մոտ գոյություն ունեցող միջկրոնական և այլ կարգի հակասությունները, հրահրելով նրանց տարածայնությունները, ամեն կերպ քաջալերելով նրանց մասնատվածությունը:

Բուրժուական պատմագրությունն ամեն կերպ ճգնում է ցույց տալ, որ իր արաբական երկրներում ազատագրական գաղափարները գերազանցապես մուսուլման գործել արևմտյան երկրներից: Այսպես, Մ. Ստայնըրը<sup>1</sup> գրում է... այս զարթոնքի (արաբական նայիննալիզմի—Հ. Ք.) ազդեցությունը մուսուլմանությունը չէ: Որքան էլ որ տարօրինակ թվա, ժամանակակից նայիննալիզմը բխում է արևմուտքի ազդեցությունից: Որով, արաբական

<sup>1</sup> Այդ ժամանակ ղեկավար պոստերում հիմնականում աշխատել են ծագումով թյուրք գործիչներ:

նացիոնալիզմը Սիրիայում, ավելի շուտ պարտական է արևմտականացած քրիստոնյա արարին, քան մուսուլման տարրին»<sup>1</sup>: Ըստ Ստայնրի այդ գաղափարները ներուձեղ են ֆրանսիական և ամերիկյան միսիոներներն իրենց գաղտնյա երթուքի և տարածած գրքերով: Մինչդեռ իրականում, միսիոներական և գաղութային կազմակերպությունները ինչպես ամեն մի երկրի, այնպես էլ արարական երկրների ազատագրական շարժումների թշնամիներն են եղել, ամեն կերպ օժանդակել են գաղութային պետությունների էքսպանսիոնիստական քաղաքականությունը:

Անգամ բուրժուական որոշ պատմաբաններ, ինչպես ժորժ Անտոնիուսը<sup>2</sup>, հարկադրված են խոստովանել, որ միսիոներական գաղտնյա թմբուցումը, իր խոսքերով ասած «... բխացուցիչ ազդեցություն են գործել...» ազգային ազատագրական շարժման ընդհանուր կուրսի վրա: Ֆրանսիական, ամերիկյան, անգլիական և մինչև անգամ իտալական ու գերմանական միսիոներական կազմակերպությունները հանդիսանում էին յուրաքանչյուր իր մայր երկրի քաղաքական ծրագրերի համար պայքարող կենտրոններ: Նրանց հետապնդած քաղաքականության հիմքում ընկած էր արար երիտասարդներին օտարացնելու, նրանց մայրենի լեզուն, ազգային կուլտուրան մոռացնել տալու ձգտումը: Արարներն լեզվի մոռացումը թուլացնում էր արար ինտելիգենցիայի կապը ժողովրդի հետ և փաստում ազգային ազատագրական շարժմանը:

Ֆրանսիական կառավարությունը, հետապնդելով Մերձավոր Արևելքում իր ազդեցությունը տարածելու քաղաքականություն, գրամական ու բարոյական ամեն տեսակի օժանդակություն էր ցույց տալիս այդ երկրներում գործող ֆրանսիացի միսիոներներին, որոնք իրենց գործունեությունը ֆրանսիական գաղութարարների առջև հարթում էին ներթափանցման ողորկ ճանապարհ: Հետապնդելով քաղաքական այսպիսի նպատակ, ֆրանսիական մոնոպոլիստները գաշն էին կնքել արար քրիստոնյա մարտնիների հառվածի հետ և հանդես գալով մարտնիների «պաշտպան»-ի դերում միջամտում էին օսմանյան կայսրության ներքին գործերին:

Առաջնորդվելով նույնպիսի անտեսական նպատակներով, անգլիական կառավարությունն էլ գարծել էր ինքնակոչ «պաշտպանը» գրուզ բնակչությանը: Իսկ գերմանական և ամերիկյան կառավարությունները իրենց համար հենարան էին գտել հանձին իրենց կողմից ստեղծված բողոքական զանազան սեկտաների:

\* \* \*

Ինչպես հայտնի է՝ համիդյան բռնապետությունը գեմ էր ուղղված նաև Երիտասարդ թյուրքերի շարժումը, սակայն ոչ մի զուգահեռ չի կարելի անցկացնել նրա և արարական ազգային ազատագրական շարժման միջև: Երկու շարժումներն էլ գեմ էին համիդյան սեմիան, մինչդեռ նրանց հետապնդած նպատակները արամագծարեն իրար հակառակ էին: Արարական շարժման նպատակն էր ազատագրվել ամեն մի օտար տիրակալությունից, Երիտասարդ թյուրքերի ձգտումն էր՝ անցնելով իշխանությունը գլուխ, հպա-

<sup>1</sup> M. I. Steiner, Inside Pan-Arabia, Chicago, 1947, p. 79.

<sup>2</sup> G. Antonius, The Arab Awakening, New York, 1939, p. 92.

տակ ժողովուրդներին պահել նույն կախման մեջ, վերծել ձուլել նրանց օսմանցիների մեջ:

Այս բոլորով հանդերձ, 1908 թ. կոնստիտուցիան մեծ խանգավառություն պատճառեց նաև արարների կողմից, որոնք մեծ հույսեր էին կապում պետական այդ հեղաշրջման հետ:

Այս պայմաններում է, որ հիմնվում է «Ալ Իսա Ալ Արաբի Ալ Ութմանի» (Օսմանյան արարների կզրայրությունը), որի հիմնական նպատակներն էին պաշտպանել կոնստիտուցիան, հավատարիմ մնալ սուլթանին, բարվոքել արարական պրովինցիաների վիճակը, ստահովել արարական լեզվի և կրթության տարածումը և այլն: Ընկերությունը անդամակցեցին տարբեր խավերի պատկանող արարներ սնկախ իրենց կրոնքից և գավառանքից:

Թյուրք-արարական այս համագործակցությունը սկզբից ևեթ չունեցավ սրեկ ուսուցիչի: Նոր պառլամենտի ընտրությունների ժամանակ թյուրք-արարական բախումները այնպիսի սուր բնույթ ընդունեցին, որ ընկերությունը կորցրեց իր գոյություն իմասար:

1908 թ. ավյալների համաձայն օսմանյան կայսրության բնակչությունը հաշվվում էր 22 միլիոն, որից միայն 7<sup>1</sup>/<sub>2</sub> միլիոնը թյուրքեր էին, մինչդեռ արարների թիվը էր 10<sup>1</sup>/<sub>2</sub> միլիոն՝ ասանց հաշվելու Յգիպտոսը, որը նույնպես բաղկացած էր առավելագույն արար բնակչությունից: Չնայած այս հանգամանքին և կոնստիտուցիայում նախատեսված իրավահավասարության սկզբունքին Երիտասարդ թյուրքերը ընտրությունների ժամանակ գիմելով կեղծիքի, շանտաժի և բռնությունների այլևայլ միջոցներով պարտենտում անցկացրին 150 թյուրք գեպուտատ, 60 արարի գիմաց (ընդհանուր գեպուտատների թիվը եղավ 245):

Երիտասարդ թյուրքերի այս քայլը բացահայտեց՝ կայսրության մեջ սպրող բոլոր ժողովուրդների իրավահավասարության վերաբերյալ նրանց գեկարացիաների ու խոստումների ողջ կեղծիքը:

1909 թ. սպրիլ ամսին Երիտասարդ թյուրքերի իշխանությունը տապալելու անհաջող փորձ կատարեց Արզուլ Համիդը: Այդ փորձի ձախողման գործում վճռական դեր խաղաց ազգությունը արար գորավար՝ Մահմուդ Շեքիթը: Կառավարական շրջանների սեռակցիան գարծավ առավել մոլեգին: Երիտասարդ թյուրքերի կառավարությունը, վախենալով արարների քաղաքական աշխուժացումից, ցրեց բոլոր միությունները և հատկապես փոքրամասնություններին պատկանող կազմակերպությունները, որոնց թվում էր «Ալ Իսա Ալ Արաբի Ալ Ութմանին»: Այս և նման այլ միություններին արգելքը մղեց արար հայրենասերներին ընդհատակյա աշխատանքի՝ ընդգեմ Երիտասարդ թյուրքերի՝ Համիդից ոչ պակաս դաժան իշխանություն:

Ընդհատակյա գաղտնի կազմակերպություններին զուգահեռ, այդ տարիներին, արարական ազգային ազատագրական շարժման ծավալման գործին մեծապես նպաստեցին արտաքուստ ոչ քաղաքական բնույթ ունեցող գրական-գեղարվեստական և այլ ակումբները: Գրանցից իրենց գործունեությունը արարի «Ալ Մուստադա ալ Աղարին» (Գրական ակումբ), որը հիմնվեց Կոստանդնուպոլսում 1909 թ. բարձրաստիճան արարների ու ուսանողների կողմից: Թեև այս ընկերությունը արարական ազգային

ազատագրական շարժման մեջ մեծ դեր չկատարեց, սակայն արարական կուլտուրայի և լավագույն արագիցիաների պահպանման գործում նշանակալից աշխատանք կատարեց: Այնուհետև, ավելի ուշ, երբ օսմանյան կայսրությունը բարկանյան և Լիվիայի անհաջող պատերազմների հետևանքով սկսել էր տերիտորիալ դիջուսներ անել, արարները, ինչպես և այլ փոքրամասնությունների մոտ սկսում է առաջ քաշվել տեղական ամբողջական զագագիտություն, անա այդ պայմաններում է, որ 1912 թ. Կահիրեում հիմնվում է «Հիզր Ալ Լամարիադիյահ ալ Իգարիյահ ալ Ութմանի» («Օսմանյան ազգակենտրոնացման կուսակցությունը») հիմնական նպատակն էր օսմանյան իշխանությունները ուժը թուլացնել՝ հատկապես կայսրությանը մաս կազմող արարական երկրներում և այդ վայրերում ձևաք բերել ներքին գործերի որոշ ավտանտիա: Կարճ ժամանակամիջոցում կուսակցությունը հաջողվում է իր շուրջը համախմբել արար հայրենասերների լավագույն տարրերին և դառնալ արարական ազգային ձգտումների կենտրոնը: Նույն նպատակներն էին հետապնդում, ավելի ուշ Բեյրութում և Բասրահում հիմնված «Ալ Իսլահ» (սեֆորմ) անունը կրող միությունները:

Այս կազմակերպությունների հիմնադիրներից շատերը առաջին համաշխարհային պատերազմի տարիներին թյուրք իշխանությունների կողմից կոստան հանվեցին: Մինչև այժմ այդ խոշոր հայրենասերները հիշատակը հարգվում է արարների կողմից որպես ազգային դատի համար գահվածները:

Այս կազմակերպություններից՝ «Հիզր ալ Լամարիադիյահ ալ Իգարիյահ ալ Ութմանի» արարական ազգային շարժման գործում խոշոր դեր կատարեց: Մինչև է այս պարտիայի հիմնադրվելը, թյուրքական իշխանությունների դեմ արար հայրենասերները կողմից ծավալվող պայքարը տարվում էր անկազմակերպ: Նրա ստեղծումից հետո պայքարը ձևն ու էությունը հիմնովին փոխվում է, այն ընդունում է ավելի համակենտրոնացված ու կազմակերպված բնույթ:

Վերոհիշյալ կազմակերպություններին դուգահեո՝ գործում էին նաև մի շարք գաղտնի ընկերություններ, որոնցից իրենց գործունեությունը և նշանակությունը հիշատակության արժանի են՝ «Ալ-Կահտանիյահ»-ը, «Ջամայիահ ալ Արարիյահ ալ Փատատ»-ը: «Ալ Կահտանիյահ»-ը, հիմնվել է 1909 թ., նույնպես Երիտասարդ թյուրքերի կենտրոնաձիգ քաղաքականությունը հակադրվում էր ապակենտրոնացման ծրագրով: Նա պահանջում էր՝ օսմանյան կայսրության արարական պրովինցիաներում կազմել անջատ պետություն, առանձին պառլամենտով և տեղական ամբողջական, այդ պրովինցիաներում արարներնը դարձնել պաշտոնական լեզու, որպես թագավոր ճանաչել օսմանյան սուլթանին, մի խոսքով՝ թյուրք-արարական մի կայսրություն, Ավստրո-հունգարական պետության օրինակով:

«Ջամայիյահ ալ Արարիյահ ալ Փատատ (Երիտասարդ արարների ընկերությունը) հիմնվեց 1911 թ. Փարիզում: Այս ընկերությունը հետապնդում էր արարական երկրների բացարձակ և անվերապահ անկախությունը: Պայքար ծավալելով օսմանյան լծի դեմ՝ միտմամանակ նա դեմ էր արևմտյան տերությունների հովանավորությունը: «Ալ ֆատատը» պահանջում էր լրիվ անկախություն և բացարձակապես դեմ էր «Հիզրի» և այլ կազմակերպությունների պահանջած մասնակի անկախությունը: Հենց դրանով

էլ, նա մի քայլ առաջ էր իր նախորդ բոլոր պարտիաների և կազմակերպությունների հետ համեմատած:

«Ալ ֆատատը» ազդեցությունը ազգային ազատագրական շարժման հետագա ընթացքի վրա՝ մեծ եղավ: Պայքարի իր նոր մեթոդներով նա պարձալ արարական այս տիպի ընկերություններից ամենամարտունակը: Առաջին համաշխարհային պատերազմի տարիներին ընկերության անգամներից շատերը թյուրքական իշխանությունների կողմից ձերբակալվեցին և ամեն տեսակի չարչարանքների ենթարկվեցին, սակայն նրանցից և ոչ մեկը ընկերության գաղտնիքները չհայտնեց, ու չզավաճանեց:

Վերջապես, այս ընկերությունների շարքին է պատկանում «Ալ Հուրիյահ ու ալ Իսլաֆ» (ազատություն և համերաշխություն), որը թեև արարական ազգային ազատագրական շարժման մեջ մեծ դեր չի կատարել, սակայն հիշատակության արժանի է նրանով, որ իր մեջ միավորում էր թյուրքական իշխանություններից դժգոհ տարրերին, անկախ կրոնական և ազգային պատկանելիությունից: Նրա աշխատանքներին մասնակցեցին օսմանյան կայսրության համարյա բոլոր փոքրամասնությունները ներկայացուցիչները, անգամ մի շարք լիբերալ թյուրքեր, որոնք հիասթափվել էին Երիտասարդ թյուրքերի քաղաքականությունից:

Նման ընկերությունների ամենաեռանդուն գործունեությունը շրջանում է, որ Փարիզում գումարվում է համաարարական ազգային կոնգրեսը, որը պահանջում է տեղական ամբողջական, օսմանյան կայսրության արարական պրովինցիաների համար, ինչպես նաև մի շարք սեֆորմներ: Այդ նպատակի համար կազմվում է սեֆորմի կոմիտե, որի նպատակն էր լինելու կոնգրեսի ընդունած որոշումների կենսագործումը: Սակայն կոմիտեն ոչ մի գործնական արդյունքի չի հասնում: Նրա անգամներից շատերը նույնպես առաջին համաշխարհային պատերազմի տարիներին ձերբակալվում են, իսկ մի քանիսը մահապատժի ենթարկվում:

Առաջին համաշխարհային պատերազմի տարիներին օսմանյան կայսրության և նրա գաղնակիցների համար արար ազգային շարժումը անհանգրստության լուրջ աղբյուր էր: Այդ հանգամանքը պետք էր, որ օգտագործվեր և իսկապես օգտագործվեց Անտանտի տերությունների կողմից, որոնք Մերձավոր Արևելքում իրենց ազդեցությունը ուժեղացնելու համար փորձեցին հանգեզ գալ արարական ազգային-ազատագրական շարժումը «հովանավորողի» դերում:

Սուլթան Թալիֆի սրբազան պատերազմի (Ջիհադի) հոչակումը, եթե խոր արձագանք գտներ արարական երկրներում, հավանական է, որ սղ իսլամական աշխարհը անցներ Անտանտի թշնամիների կողմը:

Հեղադի Ծարիֆ Հուսայնը դեռևս վերջնականապես չէր կողմնորոշվել այդ հարցում, երբ «Ալ ֆատատը», որը իր կենտրոնը փոխադրել էր Դամասկոս, գաղտնի պատվերակ է ուղարկում Մեկկա՝ հրավիրելով Մեկկայի իշխանություններին՝ միանալ և կազմել արարական դիմադրության մի ընդհանուր ճակատ: Թեև «Ալ ֆատատ» կազմակերպության անգամները և թե Ծարիֆ Հուսայնի կողմնակիցները, թյուրքական լծից ազատվելու իրենց բոլոր ցանկություններով հանդերձ, բացարձակապես դեմ էին եվրոպական իմպերիալիզմի գերիշխանությունը: Դամասկոսում կայացած «Ալ ֆատատի» գաղտնի ժողովներից մեկում, որին ներկա էր Հուսայնի սրբիներից Ֆայ-

տալը, հետևյալ ձևով է դնահատում գրությունը, Թյուրքիան պատերազմի մասնակից գառնալու հետեանքով՝ օսմանյան կայսրությանը մաս կազմող արարական պրովինցիաներին լուրջ վտանգ է սպառնում, ոչ մի ճիգ չպիտի խնայել ձեռք բերելու համար այդ պրովինցիաների ազատագրումը և անկախությունը: Միաժամանակ որոշվում է, որ եթե եվրոպական տերությունները փորձեն իրենց ազդեցությունը տարածել արարական երկրներում, ընկերությունը հարկադրված պիտի փոխի իր դիրքը և անցնի Թյուրքերի կողմը, պայքարի օտարերկրյա ներթափանցումների դեմ:

Անցյալում Թյուրք-արարական կոնֆլիկտները միշտ օգտագործվում էին արևմտյան տերությունների կողմից՝ միջամտելու համար Թյուրքիայի ներքին գործերին, որը ոչնչով չէր նպաստում արաբների ազգային ազատագրական պայքարին: Ելնելով այդ փորձից՝ արարական ազգային-ազատագրական շարժումները ղեկավարող գրեթե բոլոր միությունները սկզբնական շրջանում չեղաք գիրք են բռնում և կամ կողմնորոշվում են դեպի զգուշ և չափավոր քաղաքականությունը: Մինչև անգամ Ազիզ Ալին<sup>1</sup> խիստ զգուշացնում է «Ալ Ահդ» ընկերության անդամներին և կոչ անում ղեռնա չափըստամբիլ Թյուրքական իշխանությունների դեմ, քանի որ այդպիսի դեպքում կայսրությանը արաբական պրովինցիաները կարող էին ընկնել գաղութարարների գերիշխանության տակ: Արաբները այս դիրքավորումը վիճում է, որ նրանք մի կողմից ատում էին Թյուրքական լուծը, մյուս կողմից կասկածանքով էին վերաբերվում արևմտյան խմբերիստների հետագա գիտավորությունների նկատմամբ:

«Ալ Ահդ» ընկերությունը «Ալ Ֆատաա» ընկերության քույր կազմակերպությունն էր և գործում էր բանակում: «Ալ Ահդ» ընկերության ազդեցությունը օսմանյան բանակի արար սպաների մոտ այնքան մեծ էր, որ անգամ Ջեմալ փաշան իր հուշերում այդ կազմակերպումը հետևյալն է ասել՝ «... եթե օտարերկրյա ինտրիգների հետեանքով այս շրջանի կայսրգորում ապստամբություն ծագեր, ապա այն գտելու համար ոչ մի հնարավորություն չկար և կասկածից դուրս էր, որ այդպիսի դեպքում Թյուրքիան արարական իր բոլոր պրովինցիաները պիտի կորցնեք»<sup>2</sup>: Այստեղ պիտի նշել, որ այդ բանակի սպայակույտը, այդ ժամանակ, բազկացած էր առավելապես արաբներից:

Մինչ այդ, Շերիֆ Հուսայնի և Անտանտի տերությունների, ավյալ գեպքում Անգլիայի միջև բանակցություններ էին սկսվել արարական երկրներում Թյուրքական իշխանությունների դեմ գիմագրություն, մինչև անգամ զինված ապստամբություն կազմակերպելու համար: Այդ առթիվ «Ալ Ֆատաա» և «Ալ Ահդ» միասին մի արձանագրություն են կազմում, որի մեջ մանրամասն նշում են այն միջինում պայմանները, որի շրջանակներում արարական ազգային ազատագրական շարժման լիզերները համաձայն կլինենին համագործակցել Անգլիայի հետ: Այդ փաստաթղթում պահանջվում էր մի այնպիսի բացարձակ անկախություն, որտեղ օտար-

<sup>1</sup> Թյուրքական բանակի նախկին ղեկավար, ձերբակալվել և հարձանքների էր ենթարկվել Թյուրքական իշխանությունների կողմից՝ արարական ազգային-ազատագրական շարժման մեջ իր ակտիվ գործունեության համար:  
<sup>2</sup> Jemal Pasha, Memories of a Turkish Statesman, London (undated).

երկրյա ամենափոքր միջամտությունը, անգամ կապիտուլյացիոն որևէ ուժի, չպիտի հանդուրժվեր: Այս որոշումը ուղարկվեց Շարիֆ Հուսայնին, որպեսզի այն հիմք ծառայեցնի իր հետագա բանակցություններում:

1916 թ. հունիս ամսին արարական զինված ապստամբությունը նստատեղում մասշտաբներով տեղի չունեցավ: Շարիֆ Հուսայնի մշակած ծրագրի համաձայն, զինված ապստամբությունը սկսվելու էր Մերիտյում և Հեջազում համատեղ, և զուգակցվելու էր Ալեքսանդրետում Անտանտի ուժերի ղեկանտային գործողություններին, Թյուրքական ուժերը սկզբնապես մեջ առնելու նպատակով: Այնուհետև, հարձակվողները, շարունակելով իրենց հարվածները պիտի ուղղվեին դեպի Արևելք՝ Իրաքը ազատագրելու համար: Սակայն, վերջին բուպեին Անտանտը, հրաժարվելով այդ ծրագրից, թողեց Հուսայնին, որպեսզի առանձին հարձակվի Հեջազի Թյուրքական կայսրը իրա, որով և ապստամբությունը կրեց տեղական բնույթ: Հետագա իրագործությունները ցույց տվեցին, որ Անտանտը այդպես վարվեց, որպեսզի Շարիֆ Հուսայնին առաջավոր Ասիայի արարական երկրների նկատմամբ իր ունեցած հավակնությունները չընդարձակի:

Մինչ այդ, Թյուրքական բանակի արարական ճակատի ընդհանուր հրամանատար և սահմանային կառավարիչ Ջեմալ փաշան Մինայիի ճակատում իր կրած պարտություններից կատաղած, իր անհաջողությունների համար սխեց ամբաստանել արաբներին, հետապնդելով արար հայրենասերներին, նրանց ենթարկել ամեն տեսակի խոշտանգումների:

Ջեմալ փաշան սխեց իր «մաքրագործումը» բանակից: Ու երբ էնվերը 1915 թ. հունիսին Գելիպոլիի ճակատի համար հավելյալ ուժերի կարիքն էր զգում, Ջեմալ փաշան, այդ պատհանությունից օգտվելով, իսկույն և եթ Մերիտյայի ուղարկեց 25-րդ դիվիզիան, որը հիմնովին արաբներից էր բազկացած ու հանդիսանում էր «Ալ Ահդ» կազմակերպության հենարանը: Հետագայում նույնպես, ամեն մի առիթով նա ուրիշ ճակատներ ուղարկեց արաբներից բազկացած զնդերը և առավել ևս արար սպայակույտը: Իր հարձակումներն ուղղելով քաղաքական մյուս կազմակերպությունների դեմ, Ջեմալը ձերբակալել տվեց բոլոր արար հայտնի գեմքերին, անկախ այն բանից, որ նրանք ազգային ազատագրական շարժումների մեջ ակտիվ դեր կատարել են, թե ոչ: Նա ձերբակալվածներին ենթարկեց ամեն տեսակի չարչարանքների՝ կեղծ խոստովանություններ ձեռք բերելու համար: 58 հայրենասեր արաբներ մահվան դատապարտվեցին, որոնցից 45-ը ի բացակայության, որովհետև գտնվում էին արտասահմանում: 1915 թ. օգոստոսի 21-ին Բեյրութի գլխավոր հրատարակիչներից մեկում 11 հայրենասերներ կախազան հանվեցին:

\* \* \*

Պատերազմի տարիներին, արաբներն իրենց կողմը ներգրավելու և օսմանյան կայսրության թիկունքը թուլացնելու նպատակով Անտանտի պետությունները արար ժողովրդի ներկայացուցիչներին շապկեցին կեղծ խոստումներ:

Այդ քաղաքականության համար բնորոշ օրինակ է հետևյալ փաստը: Պաղեստինի տերիտորիան նրանք խոստացել էին Հուսայնին, հետագայում կազմվելիք արարական ֆեդերացիայի որպես բազկացուցիչ մի մասը, միև-

նույն ժամանակ այդ նույն տերիտորիան նրանք խոստացել էին հրեա սիոնիստներին, որպես այդ ժողովրդի «ազգային օջախը» առանց մերժելու նաև այն հավակնությունը, որ ուներ Անգլիան նույն այդ տերիտորիայի նկատմամբ, որպեսզի Սուեզի ջրանցքի ձախ ափին բրիտանական կայսերական ճանապարհների վրա մի նոր ամրոց ու հենարան ստանալի:

Երբ պատերազմը ավարտվեց Անտանտայի պետությունների հաղթանակով, և երբ չկար այլևս արարներին սիրաշահելու նույն անհրաժեշտությունը; անգլիական և ֆրանսիական իշխանություններն իրենց խոստումները մոռանալով, ավարը միմյանց մեջ բաժանելու համար՝ մտան սահարկության: Այդ խիստ սահարկությունների (որոնք առանձին դեպքերում վերածվեցին լուրջ հակամարտությունների) հետևանքը եղավ մանդատների և առանձին արարական կախյալ պետական միավորների ստեղծումը, ազգային հարցի մի լուծում, որը արամազծորեն հակառակ էր արարական ժողովուրդների ազգային ազատագրական ձգտումներին, այն պայքարին, որ արար ժողովուրդը երկար տարիներ մղել էր և այժմ էլ շարունակում է մղել իմպերիալիստական օտարերկրյա գաղութարարների դեմ:

